

1502 tem Pannoniæ rege, de legati ad Bajasetem missione diem ex die ducente, propterea quod pace cum illo a Senatu inita, nisi novæ sponſiones intercederent, ſtipendiis reipublicæ carendum ipſi erat: ne res tanta differretur, legati reipublicæ pacti ſunt, uti mille auri libræ, regi annis ſingulis ab Senatu bello Thracio dari ſolitæ, ad tercentum redigerentur, quoad Bajasetes viveret, tribus item penſionibus perſolvendas.

*Guidus-U-
baldus ite-
rum Urbino
expellitur.*

Alexander cum vidiffet Guidum Ubaldum Urſinæ gentis ſtudiis regnum ſuum recuperaviſſe, orando, territando, magna pollicendo, ejus familiæ principibus in ſuas traductis partes, fœdus cum illis percuffit. Simul ab Aloifio miſſis ad ſe auxiliis Cæſar, magniſque copiis undique comparatis, Guidum Ubaldum, quem quidem ſine ſpe, ſine opibus deſtitutum amici deſeruerant, iterum regno expulit, cum tamen ille inunitiſſimum natura totius regni oppidum, miſſo ad id cuſtodiendum Octaviano Fregofio adoleſcente ſororis ſuæ filio, cum militibus, & omnium rerum pro tempore copia, communitius factum obtineret.

1503

*Borgia per-
fidia & cru-
delitas.*

Urbinatibus receptis ad Senogalliam oppugnandam Cæſar primis anni diebus recta profeſtus, ubi civibus ſine mora ſe deditibus oppido eſt potitus, Urſinæ gentis principes eos ipſos, cum quibus paulo ante fœdus percufferat, quique ſecum una venerant, omnes in vincula conjecit: eaque de re Alexandrum patrem mira celeritate certio- rem fecit. Ille ſtatim Baptiſtam Urſinum Cardinalem, qui fœderis auctor fuerat, magna apud ſuos auctoritate, nihil ejuſmodi verentem, ad ſe vocatum cuſtodix tradidit: qua in cuſtodia paucis poſt diebus eſt mortuus. Conjectis ab Cæſare in vincula partim nocte proxima, reliquis in Senenſium fines adductis, quo Cæſar cum exercitu contenderat, laqueo gula fracta. Idem vitæ finis Venantio & Octaviano adoleſcentulis, Camertium regis liberis captis a Cæſare, Piſauri datus. Pater eorum regno amiſſo clam elapſus, paulo poſt ad urbem venit. Ob eas Cæſaris actiones, qui cum Camertibus Ariminum etiam in ſuam ditionem rede- gerat, Senatus, uti ſuos fines magis communiret, Livia-
num